



Justis- og beredskapsdepartementet  
Postboks 8005 Dep  
0030 OSLO

## **Evaluering av offentleglova - høyringssvar**

Fylkesmannen viser til oversending av 25.02.16 frå Justis- og beredskapsdepartementet i samband med evaluering av offentleglova, der høyringsinstansane blir invitert til å kome med innspel og kommentarar til evalueringsrapporten samt eventuelle andre innspel til lov- og forskriftsendingar.

Fylkesmannen i Møre og Romsdal har følgjande merknader:

### *Skjønsmessige vilkår*

Rapporten som er lagt fram peikar mellom anna på at offentleglova er ei lov med betydeleg grad av skjønn og at fleire av unntaksreglane har skjønsmessige vurderingstema. Vi er samde i at lova kan vere utfordrande å praktisere slik fleire av føresegnene er utforma. Mellom anna er det fleire vurderingar som føreset stor grad av kunnskap på sida av offentleglova, til dømes vurderingar av kva som er konkurransesensitive opplysingar og når eit sjølvstendig rettssubjekt driv konkurranseutsett næring. Vi meiner at det i større grad bør avklarast kva dei enkelte unntaksføresegnene er meint å omfatte.

Når det gjeld krav til samanstillingar etter offentleglova § 9 er vi vidare samde i at det er kan vere vanskeleg å vurdere kor langt denne føresegna rekk, under dette kva som må reknast som «enkle framgangsmåtar». Etter vårt syn bør ein i større grad klargjere omfanget av denne samanstillingsplikta.

### *Anonyme innsynskrav*

Vi finn elles grunn til å stille spørsmål ved i kva grad det er naudsynt å ha høve til å vere anonym når ein ber om innsyn. I rapporten blir det mellom anna peika på at brukarane av offentleglova har stor potensiell makt, og det er ein del eksempel på privatpersonar som synest å bruke lova på grensa av intensjonane. Etter vårt syn vil det vere grunn til å tru at risikoen for ein slik utilsikta bruk av lova i ein viss grad vil verte redusert dersom ein ikkje har høve til å fremje anonyme innsynskrav. Vi meiner at føremålet med lova fortsatt vil kunne ivaretakast sjølv om ein ikkje har eit generelt høve til å vere anonym. For dei tilfella der det ligg føre eit faktisk behov for anonymitet, bør ein kunne krevje at det blir gitt ei nærare grunngiving for dette.

Med helsing

Helge Mogstad (e.f.)  
direktør

Bente Thornes Kosberg

*Dokumentet er elektronisk godkjent og har ingen signatur.*